



**Republika e Kosovës**  
**Republika Kosova – Republic of Kosovo**

**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



**PSH Nr. 677/18**

**PANELI SHQYRTUES** i emëruar nga Kryetari i OSHP-së, në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092 në përbërje prej: z. Blerim Dina - Kryetar, z. Nuhi Paçarizi – Referues dhe z. Goran Milenkovic – anëtar, si dhe duke u bazuar në nenin 99 paragrafi 2 të Ligjit për Prokurim Publik të Kosovës nr. 04/L-042 i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092 dhe konform nenit 36 të Rregullores së punës së OSHP-së nr. 01/2017, të dt:20.03.2017, pas shqyrtimit të kërkesës së autoritetit kontraktues, /KK-Kaçanik/ të datës: 09.07.2018, që OSHP-ja të veproj konform nenit 99 paragrafi 2 të LPP-së, përkitazi me operatorin ekonomik: "As Tech" shpk - Prishtinë, lidhur me aktivitetin e prokurimit: "Furnizim me gjenerator", me nr. prok: 652-18-40-211-36, më dt. 29.08.2018, mori këtë:

## **V E N D I M**

**I.REFUZOHET**, si e pa bazuar, kërkesa e Autoritetit Kontraktues (AK) / KK-Kaçanik/, për diskualifikim nga pjesëmarrja në prokurimin publik të OE "As Tech" shpk – Prishtinë lidhur me procedurën e prokurimit me titull "Furnizim me gjenerator", me nr. prok: 652-18-40-211-36, të iniciuar nga Autoriteti Kontraktues (AK) /KK-Kaçanik/.

## **ARSYETIM**

Autoriteti Kontraktues / KK-Kaçanik / me dt:09.07.2018, ka parashtruar kërkesë, në OSHP ku ka theksuar që konform kompetencave të veprohet konform nenit 99.2 të LPP-së dhe të bëj diskualifikimin e Operatorit Ekonomik "As Tech shpk" - Prishtinë

Organi Shqyrtues i Prokurimit, ka autorizuar ekspertin shqyrtues për të përgatitur një kronologji në lidhje me këtë kërkesë.

Eksperti shqyrtues me dt:12.07.2018 ka dorëzuar kronologjinë ku ka sqaruar se Organi Shqyrtues i Prokurimit, me datë: 09.07.2018, nga autoriteti kontraktues Komuna Kaçanik, ka pranuar kërkesë për diskualifikim të OE N.SH. "AS TECH shpk"-Prishtinë, ku kanë theksuar: "Ne bazë te aktivitetit të prokurimit me nr. 65/2-18/40/21/1/36, te publikuar ne njoftimin për kontrate me dt.01.06.2018, për projektin "Furnizim me gjenerator



*“ Njoftimit për dhënie të kontratës me dt.08.06.2018. “OE i përzgjedhur për implementimin e kontratës N.SH. “AS TECH”shpk Prishtinë, edhe për kundër njoftimeve si dhe kërkesave të vazhdueshme respektivisht kontraktimin e këtij projekti i njëjti operator ekonomik nuk është lajmëruar respektivisht nuk ka qenë i interesuar për vazhdimin e lidhjes së kontratës dhe kryerjen e furnizimeve. Me jo seriozitetin respektivisht paraqitjen e të dhënave të rreme na ka shkaktuar dëme të konsiderueshme duke pasqyruar se tani është koha e ardhjes nga diaspora dhe reduktimet e shpeshta të rrymës krijojnë nevojë për furnizimin e qytetarëve me dokumentacionin e nevojshme dhe kohë. Ju informojmë se me dt.18.06.2018, kemi njoftuar përmes e-mailit për kontratë me dt.02.07.2018, kemi përsëritur kërkesën gjithashtu me dt.27.06.2018, e kemi përsëritur të njëjtën kërkesë. Andaj bazuar në nenin 99.2 të LPP-së kërkoj nga OSHP që i njëjti operator ekonomik të diskualifikohet nga pjesëmarrja në prokurim publik.*

Eksperti shqyrtues sqaron se me datë:09.07.2018, autoriteti kontraktues Komuna e Kaçanikut ka kërkuar nga OSHP-ja, që të marrë masa në pajtim me nenin 99.2 të LPP-së, për futjen në listën e zezë të operatori ekonomik “AS TECH”shpk Prishtinë, ndërsa i njëjti autoritet nuk ka paraqitur ndonjë dëshmi se operatori ekonomik në fjalë ka paraqitur, të dhënave të rreme ose ka prezantuar ndonjë dokument të falsifikuar, por AK-ja, kërkon futjen në listën e zezë të këtij operatori ekonomik me arsyetimin se i njëjti nuk po e nënshkruar kontratën të cilën është shpërblyer, lidhur me aktivitetin e prokurimit “Furnizim me gjenerator “ me nr. të prokurimit 652-18/40/211/36, të publikuar në njoftimin për kontratë me dt.01.06.2018.

Eksperti shqyrtues sqaron se në bazë të nenit 99.2 të LPP-së, marrja e masave nga OSHP-ja, ndaj operatorëve ekonomik pjesëmarrës në një aktivitet të prokurimit vjen në shprehje vetëm nëse konstatohet se operatori ekonomik pjesëmarrës në një aktivitet të prokurimit ka prezantuar dokumente të falsifikuar, apo ka bërë paraqitjen e të dhënave të rreme ashtu siç parashihet me nenin 99.2 të LPP-së, në të cilin thuhet: Në bazë të një kërkesë me shkrim nga autoriteti kontraktues në lidhje me paraqitjen e të dhënave të rreme ose të një dokumenti të falsifikuar nga operatori ekonomik, OSHP është e obliguar dhe ka autoritetin që të shqyrtojë dhe të diskualifikojë operatorin ekonomik nga pjesëmarrja në prokurim publik për një periudhë deri në një (1) vjeçare.

Eksperti shqyrtues konsideron se në rastin konkret autoriteti kontraktues në bazë të dispozitave ligjore dhe akteve nën ligjore për prokurim publik, ka masa tjera që i lejohet të merren për rastin në fjalë ndaj operatorit ekonomik për të cilin ka parashtruar kërkesë në OSHP për marrjen e masave në pajtim me nenin 99.2 të LPP-së.

Paneli shqyrtues, pas shqyrtimit të shkresave të lëndës, shqyrtimit të kërkesës së autoritetit kontraktues dhe arsyeshmërisë së dhënë, deklarimit të palëve në procedurë, diskutimeve dhe shoshitjes së provave në tërësi gjatë seancës për shqyrtim kryesor, konstaton se autoriteti kontraktues në asnjë mënyrë dhe në asnjë formë

nuk ka ofruar dëshmi se operatori ekonomik ""As Tech"" shpk - Prishtinë ka ofruar ndonjë dokument të falsifikuar apo të dhëna të rreme në këtë aktivitet të prokurimit.

Paneli shqyrtues në mungesë të dëshmive dhe argumenteve se operatori ekonomik "As Tech shpk" - Prishtinë ka ofruar ndonjë dokument të falsifikuar apo të dhëna të rreme, vjen në përfundim se kërkesa e AK-së, për diskualifikim nga pjesëmarrja në prokurimin publik të operatorit ekonomik OE "As Tech" shpk - Prishtinë është e pabazuar dhe e pa mbështetur në fakte dhe argumente konkrete dhe se kërkesa e autoritetit kontraktues nuk hyn në kuadër të kompetencave të OSHP-së, të parashikuara në nenin 99.2 të LPP.

Paneli shqyrtues, duke u bazuar në atë që u tha si më lartë, vendosi si në dispozitiv të këtij vendimi.

**KËSHILLË JURIDIKE:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës themelore-Departamentit për çështje Administrative për kompensim dëmi ne afat prej 30 ditësh nga data e pranimi të vendimit .



**Vendimi t'i dorëzohet:**

- 1x1 AK – KK-Kaçanik
- 1x1 OE "As Tech" shpk - Prishtinë"
- 1x1 Arkivës së OSHP-së;
- 1x1 Për publikim në web- faqe të OSHP-së